



Icyegeranyo cy'amakuru y'imikino yaranze icyumweru

2023

Taliki 08-13 Ukuboza



P.1 NPC-Rwanda : Abakinnyi baserukiye u Rwanda bahawe ishimwe

Ijambo ry'ibarange

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

P1

NPC-Rwanda : Abakinnyi baserukiye u Rwanda bahawe ishimwe

P2

Tennis : Minisitiri Munyangaju yagiranye ibiganiro na Komite ya RTF

P2

Football : Uganda yegukanye CECAFA U-18, u Rwanda ruba urwa 4

P3

Football : Hasojwe imikino ibanza ya shampiyona

P3

Athletics : Habaye umunsi wa kabiri wa shampiyona y'abantu bafite ubumuga

P4

Basketball : Ikiye y'abakinnyi beza mu Rwanda yatsinze iy'u Burundi

P5

Rally : U Rwanda ruzakira inama y'Inteko Rusange ya FIA muri 2024

P5

Volleyball : Hemejwe ko umwaka w'imikino uzatangira muri Mutarama 2024

P6

Handball : Gicumbi HBT na Police HBC zitwaye neza muri Kenya

P7

Volleyball : APR VC yegukanye igikombe cy'irushanwa ryo kurwanya ihohterwa


NPC-Rwanda : Abakinnyi baserukiye u Rwanda bahawe ishimwe

Taliki 09 Ukuboza 2023 muri Classic Hotel habereye umuhango wo kwakira no gushimira abakinnyi b'ikipe y'igihugu ya Amputee Football mu bagabo na Sitting Volleyball abagabo n'abagore nyuma yo kwitwara neza mu marushanwa mpuzamahanga muri uyu mwaka wa 2023.

Ikipe y'igihugu ya Amputee Football mu bagabo yitabiriye shampiyona ya Afurika yaberaga ku nshuro ya mbere muri Ghana isoreza ku mwanya wa 5.

Muri Sitting Volleyball ikipe y'igihugu y'abagore n'abagabo zitabiriye igikombe cy'Isi mu gihugu cya Misiri. Mu bagore ikipe y'u Rwanda yegukanye umwanya wa 7 mu gihe ikipe y'u Rwanda mu bagabo yegukanye umwanya wa 9.

Muri uyu muhango kandi, ishyirahamwe ry'umukino w'abantu bafite ubumuga mu Rwanda "NPC-Rwanda" ryashimiye ibigo bitandukanye birimo MINISPORTS, MINALOC, RDB, MTN, ICRC, NUDOR, NCPD, SGF, CNOSR, AJSPOR na BK Arena ku ruhare bagira mu guteza imbere imikino y'abantu bafite ubumuga.



Tennis : Minisitiri Munyangaju yagiranye ibiganiro na Komite ya RTF

Taliki 11 Ukuboza 2023, Minisitiri wa Siporo, Munyangaju Aurore Mimosa yakiriye mu biro bye Komite nyoboz i'shyirahamwe ry'umukino wa Tennis mu Rwanda "RTF".

Ibganiro by'izi nzego zombi byibanzze ahanini kuri gahunda ziteganyijwe mu minsi iri imbere zirimo izijyanye n'iterambere ry'uyu mukino bihereye mu bakiri bato ndetse n'imishinga itandukanye yo kubaka ibikorwa remezo by'umukino wa Tennis mu bice bitandukanye by'igihugu.



Football : Uganda yegukanye CECAFA U-18, u Rwanda ruba urwa 4

Kuva taliki 25 Ugushyingo kugeza 08 Ukuboza 2023, mu Mujyi wa Kisumu na Kakamega muri Kenya habereye irushanwa ry'amakipe yo muri aka Karere k'Afurika y'lburasirazuba mu batarengeje imyaka 18 mu bahungu "CECAFA U-18 Boys Championship 2023".

Muri iri rushanwa hari hitabiriye amakipe 8 aho yari agabanyije mu matsinda abiri, itsinda A ryari rrimo Kenya, u Rwanda, Somalia na Sudani naho itsinda B rigizwe na Uganda, Tanzania, Zanzibar na South Sudan.

Mu mikino y'amajonjora ikipe y'u Rwanda yatsinze Somalia igitego 1-0, itsindwa na Kenya igitego 1-0 nyuma itsinda Sudani ibitego 3-0.

Nyuma y'iyi mikino y'amajonjora, ikipe y'u Rwanda yakomeje muri ½ aho yari ku mwanya wa kabiri mu itsinda A inyuma ya Kenya. Muri ½ , ikipe y'u Rwanda yatsinzwe na Uganda igitego 1-0 naho Kenya isezerera Tanzania kuri Penaliti 4-3 nyuma yo kunganya 0-0.

Ikipe y'u Rwanda yatsinzwe na Tanzania mu guhatanira umwanya wa 3 ibitego 3-1 naho ikipe ya Uganda yegukana igikombe itsinze Kenya ku bitego 2-1.

Uko amakipe yakurikiranye

1. Uganda
2. Kenya
3. Tanzania
4. Rwanda
5. Zanzibar
6. Somalia
7. South Sudan
8. Sudani



Football : Hasojwe imikino ibanza ya shampiyona

Taliki 11, 12 na 13 Ukuboza 2023 habaye imikino y'umunsi wa 15 wa shampiyona y'icyiciro cya mbere mu mupira w'amaguru mu bagabo ari yo yasoje icyiciro cy'imikino ibanza. Bitezanyijwe ko imikino yo kwishyura izatangira taliki 12 Mutarama 2024.

Uko imikino yagenze



MON, 11TH. DEC. 2023		
AMAGAJU FC	1-3	APR FC
TUE, 12TH. DEC. 2023		
MUSANZE FC	0-1	GORILLA FC
POLICE FC	3-0	MUSANZE FC
SUNRISE FC	2-0	ETINCELLES FC
MUHAZI UNITED FC	0-0	AS KIGALI
ETINCELLES FC	1-1	RAYON SPORTS
RAYON SPORTS	1-1	GASOGI UNITED
WED, 13TH. DEC. 2023		
STAR TIMES FC	2-1	GASOGI UNITED



MATCHDAY
15

POS	CLUB	PG	GD	PTS
1	APR	15	+14	33
2	POLICE	15	+11	31
3	MUSANZE	15	+10	29
4	RAYON SPORTS	15	+10	27
5	MUKURA	15	+1	23
6	KIYOVU	15	0	21
7	MARINE	15	-4	19
8	GASOGI UNITED	15	-3	18
9	MUHAZI UNITED	15	-3	18
10	GORILLA	15	-4	18
11	AMAGAJU	15	-2	17
12	SUNRISE	15	-5	17
13	ETINCELLES	15	-8	17
14	BUGESERA	15	+3	15
15	AS KIGALI	15	-5	15
16	ETOILE DE L'EST	15	-15	10



@rwanda.premier.league

XrwandaLeague

rwanda premier league

Athletics : Habaye umunsi wa kabiri wa shampiyona y'abantu bafite ubumuga

Taliki 09 Ukuboza 2023 kuri Sitade Ubworoherane mu Karere ka Musanze habereye imikino ngororamubiri y'umunsi wa kabiri wa shampiyona y'abantu bafite ubumuga "Athletics Championship 2023-2024".

Iyi mikino yitabiriwe n'abakinni baturutse mu turere dutandukanye aho bahatanye muri siporo zitandukanye zrimo gusiganwa ku maguru, gutera intosho "Shot put", gutera ingasire "Discus" no gutera umuhunda "Javelin".

Mu gusiganwa ku maguru, Niyibizi Emmanuel yahize abandi mu gusiganwa metero 1500 aho yakoresheje iminota 4 n'amasegonda 22 anaba uwa mbere mu gusiganwa metero 400 aho yakoresheje amasegonda 57.

Mu bagore, Uwiduhaye Clémentine yabaye uwa mbere muri metero 400 akoresheje umunota 1 n'amasegonda 7 naho Mukandayisenga Valentine atsinda muri metero 100 akoresheje amasegonda 16 n'ibice 30.

Mu gutera intosho "Shot put" mu bagore, Uwitije Claudine yayiteye muri metero 6,10. Mu bagabo, Kagiraneza Noël yayiteye muri metero 7,20.

Mu gutera ingasire "Discus" mu bagore, Mukarukundo Honorine yahize abandi, ayigeza muri metero 17,70 naho mu bagabo, Kagiraneza Noël ayitera muri metero 23,30.

Umunsi wa 3 wa shampiyona uzabera mu Karere ka Huye taliki 17 Gashyantare 2024 mu gihe umunsi wa kane uzaba ari wo wa nyuma uzabera mu Karere ka Bugesera taliki 27 Mata 2024.



Basketball : Ikipe y'abakinnyi beza mu Rwanda yatsinze iy'u Burundi

Ishyirahamwe ry'umukino wa Basketball mu Rwanda "FERWABA" ndetse n'ishyirahamwe ry'uju mukino i Burundi "FEBABU" ku bufatanye na B&B Sports Agency hateguwe irushanwa ry'umukino wa Basketball ryahuje ikipe y'abakinnyi bitwaye neza muri shampiyona y'u Rwanda "Best of Rwanda" ndetse n'abitwaye neza i Burundi "Best of Burundi".

Umukino ubanza wabereye i Bujumbura taliki O2 Ukuboza 2023 aho ikipe y'u Burundi yatsinze u Rwanda amanota 76 kuri 73.

Taliki O9 Ukuboza 2023 habaye umukino wa kabiri ubera muri BK Arena aho ikipe y'u Rwanda yatsinze u Burundi amanota 72 kuri 43. Kuba ikipe yarashyizemo ikinyuranyo cy'amanota 29 mu mukino wa kabiri byatumye yegukana igikombe ihabwa miliyoni 3,6 z'amafaranga y'u Rwanda.

Muri iri rushanwa habayeho guhatana mu kwerekana ubuhanga mu gukina Basketball "Skills Challenge Contest" aho Ntore Habimana yegukanye igihembo naho Ndayisaba Ndizeye Dieudonne yegukana igihembo cy'uhize abandi mu gutsinda amanota 3 "3 Points Contest". Aba bakinnyi bombi bahawe ibihumbi 600.



Rally : U Rwanda ruzakira inama y'Inteko Rusange ya FIA muri 2024

Taliki 08 Ukuboza 2023 ni bwo hatangajwe ko inama y'Inteko Rusange y'ishyirahamwe ry'umukino wo gusiganwa mu modoka ku Isi "FIA" izabera mu Rwanda umwaka utaha wa 2024.

Ibi byemerejwe mu nama y'Inteko Rusange ya FIA yabereye Baku muri Azerbaijan taliki 08 Ukuboza 2023.

Iyi nama y'Inteko Rusange ya FIA izahurizwa hamwe n'umuhango wo gutanga ibihembo "General Assemblies Meeting and the Prize Giving 2024" izabera i Kigali taliki 13 Ukuboza 2024. Iyi nama izabera mu Rwanda izabanzirizwa n'inama y'Inteko Rusange idasanzwe "Extraordinary General Assemblies Meeting" izabera Samarkand muri Uzbekistan, taliki 14 Kamena 2024.



Volleyball : Hemejwe ko umwaka w'imikino uzatangira muri Mutarama 2024

Taliki 09 Ukuboza 2023 muri Hilltop Hotel habereye inama y'Inteko rusange idasanzwe y'ishyirahamwe ry'umukino wa Volleyball mu Rwanda "FRVB".

Muri iyi nama hemejwe ko umwaka w'imikino wa 2024 uzatangira muri Mutarama 2024 aho shampiyona y'umukino wa Volleyball izatangira taliki 20 Mutarama 2024.

Hemejwe kandi ko abakinni b'abanyamahanga bazava kuri 2 bakaba 3.

Muri iyi nama y'Inteko rusange hemejwe kandi abanyamuryango bashya barimo Kepler VC na EAUR VC. Aya makipe yombi akaba azakina shampiyona y'icyiciro cya mbere mu bagabo. Naho mu bagore hemezwa Wisdom School (Musanze).

Hemejwe kandi amakipe 4 azakina shampiyona y'abakiri bato "Junior National League". Aya ni GS Kabare na APE Rugunga mu bahungu Institut Ste Famille Shangi na Ecole Ste Bernadette Save mu bakobwa.



Kuva taliki 03 kugeza 09 Ukuvoza 2023 i Nairobi muri Kenya kuri Nyayo National Stadium habereye irushanwa mpuzamahanga rihuza amakipe yo mu Karere k'Afurika y'Iburasirazuba no hagati "East and Central Africa Handball Federation (ECHAF) Club Championship 2023" aho ikipe zari zaserukiye u Rwanda, Gicumbi HBT na Police HBC mu bagabo zitwaye neza.

Iri rushanwa ryari ryitabiriwe n'amakipe 9 mu bagabo aho yari yashyizwe mu matsinda abiri. Itsinda A ryari rigizwe na Cereals (Kenya), KDF (Kenya), UPDF (Uganda) na Gicumbi HBT (Rwanda). Itsinda B ryari rigizwe na GSU (Kenya), Equity Bank (Kenya), Uganda Prison (Uganda), Evergreen (Uganda) na Police HBC (Rwanda).

Mu bagore hitabiriye amakipe 5 ari yo Nairobi Water Queen (Kenya), Cereals (Kenya), KDF (Kenya), JKT (Tanzania) na Nkajja (Uganda).

Mu bagabo, nyuma y'imikino y'amajonjora mu matsinda, ikipe ya Gicumbi HBT yitwaye neza muri ½ itsinda Prisons yo muri Uganda ibitego 33 kuri 23 naho Cereals yo muri Kenya itsinda Police HBC ibitego 28 kuri 25.

Ku mukino wa nyuma ikipe ya Cereals yatsinze Gicumbi HBT ibitego 34 kuri 32 naho ikipe ya Police HBC yegukana umwanya wa 3 itsinze Prisons yo muri Uganda ibitego 30 kuri 27.

Mu bagore amakipe 5 yitabiriye yahuye hagati yayo, ikipe ya Nairobi Water Queen yo muri Kenya yitwara neza yegukana igikombe aho yasoje imikino yayo itsinda ikipe ya Cereals nayo yo muri Kenya ibitego 27 kuri 24.

Ikipe ya Cereals mu bagabo niyo yegukanye igikombe cya 2 itwaye yikurikiranya kuko no muri 2022 ubwo irushanwa ryaberaga muri Zanzibar yegukanye iki gikombe naho Nairobi Water ni inshuro ya 10.

Uko amakipe yakurikiranye

Mu bagabo

1. Cereals (Kenya)
2. Gicumbi HBT (Rwanda)
3. Police HBC (Rwanda)
4. Prisons (Uganda),
5. GSU (Kenya)
6. Equity Bank (Kenya)
7. UPDF (Uganda)
8. Evergreen (Uganda)

Mu bagore

1. Nairobi Water (Kenya)
2. Cereals (Kenya)
3. Nkajja (Uganda)
4. KDF (Kenya)
5. JKT (Tanzania)



Volleyball: APR VC yegukanye igikombe cy'irushanwa ryo kurwanya ihohoterwa

Taliki 10 Ukuboza 2023, muri BK Arena habereye umukino wa Volleyball wahuje ikipe ya APR VC na Police VC mu bagore. Uyu mukino wari wateguwe na Minisiteri ya Siporo mu Rwanda 'MINISPORTS", UN Women ku bufatanye n'ishyirahamwe ry'umukino wa Volleyball mu Rwanda "FRVB".

Uyu mukino wateguwe mu rwego rwo guteza imbere uburinganire n'ubwuzuzanye bw'abagore n'abagabo, kwirinda no gukumira ihohoterwa rishingiye ku gitsina muri Siporo.

Muri uyu mukino, ikipe ya APR VC yatsinze Police VC amaseti 3-0 (26-24,30-28 na 25-13).

Uretse uyu mukino kandi hashimiwe bamwe mubagore babaye indashyikirwa muri Siporo zitandukanye ndetse n'abantu bitangiye iterambere ry'imikino mu cyiciro cy'abagore.

Bamwe mu bahawe ishimwe harimo Munezero Valentine ukinira APR VC akaba ari Kapiteni w'ikipe y'u Rwanda, Mukansanga Salima, umusifuzi mpuzamahanga mu mupira w'amaguru, Ingabire Diane ukina umukino w'amagare, Kalimpinya Queen usiganwa mu modoka, Umulisa Joselyne uharanira iterambere rya Tennis mu bakobwa, Zura Mushambokazi (Taekwondo), Mukobwankawe Liliane, Kapiteni w'ikipe y'igihugu muri Sitting Volleyball, Ishimwe Henriette (Cricket), Uwhoreye Tufaha (Fencing), Nyirahuku Philomène ushishikariza abakobwa gukina Basketball mu mashuri, Gashagaza Solange (Karate) na Tetero Odile (Basketball).

Hahembwe kandi na Rudasingwa Camille wazamuye abakobwa benshi bakina Volleyball.

Ibi birori byari byitabiriwe na Minisitiri wa Siporo, Munyangaju Aurore Mimosa





Website: www.olympicrwanda.org
www.olympicrwanda.org/commonwealth
Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave